

არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის სპორტისა და ტურიზმის ცენტრის“ წესდება

სადამფუძნებლო დოკუმენტი

(არასამეწარმეო (არაკომერციული) იურიდიული პირის)

მუხლი 1

ზოგადი დებულებები

- 1.1. არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის სპორტისა და ტურიზმის ცენტრი“ (შემდგომში ტექსტში საზოგადოება) წარმოადგენს საქართველოს სამოქალაქო კოდექსის შესაბამისად შექმნილ არასამეწარმეო (არაკომერციულ) იურიდიულ პირს.
- 1.2. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
- 1.3. საზოგადოების სახელწოდება: არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის სპორტისა და ტურიზმის ცენტრი“.
- 1.4. სამართლებრივი ფორმა: არასამეწარმეო (არაკომერციული) იურიდიული პირი. იურიდიული მისამართი : ქალაქ ფოთის მუნიციპალიტეტი, 26 მაისის ქუჩა N7; ელექტრონული ფოსტა: **stcpoti@gmail.com**.
- 1.5. არასამეწარმეო (არაკომერციული) იურიდიული პირი, ხელმძღვანელობისა და წარმომადგენლობითი უფლებამოსილების მქონე პირის მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი ხელმძღვანელობისა და წარმომადგენლობითი უფლებამოსილების მქონე პირები პასუხს არ აგებენ. ასევე არ აგებს პასუხს არასამეწარმეო (არაკომერციული) იურიდიული პირი თავისი ხელმძღვანელობისა და წარმომადგენლობითი უფლებამოსილების მქონე პირების ვალდებულებებისათვის.
- 1.6. საზოგადოების სტრუქტურა და შემადგენლობა.
საზოგადოების სტრუქტურაში შედის საზოგადოების შემდეგი სტრუქტურული ერთეულები:
 - 1.6.1. ნანა ალექსანდრიას სახელობის საჭადრაკო სკოლა;
 - 1.6.2. საცხენოსნო სკოლა;
 - 1.6.3. ჭიდაობის კომპლექსური სკოლა;
 - 1.6.4. კანოეს სკოლა;
 - 1.6.5. კრივის სკოლა;
 - 1.6.6. კომპლექსური სასპორტო სკოლა;
 - 1.6.7. საბრძოლო ხელოვნებათა სკოლა;
 - 1.6.8. ფეხბურთის სკოლა;
 - 1.6.9. წყლის სახეობათა კომპლექსური სკოლა;
 - 1.6.10. ნიჩბოსნობის კომპლექსური სკოლა;

1.6.11. მოკრივეთა სკოლა "ლიდერი";

1.6.12. ფოთის ცენტრალური სტადიონი;

1.6.13. ქალაქ ფოთის მუნიციპალიტეტის ტურიზმის განვითარების ცენტრი.

1.7. საზოგადოების საქმიანობის მიზნები და ამოცანები:

ა) ქალაქ ფოთის მუნიციპალიტეტში სპორტის სახეობათა განვითარება და პოპულარიზაცია;

ბ) ახალგაზრდებში სპორტის პოპულარიზაცია;

გ) სხვადასხვა ტურნირსა და შეჯიბრში მონაწილეობის მიღება;

დ) ტურიზმის სფეროში დასაქმებულთა მოღვაწეობის წარმოჩინებისა და პოპულარიზაციის ხელშეწყობა.

ე) უცხოური ინვესტიციებისა და დონორი ორგანიზაციების მოზიდვა ქალაქისათვის მნიშვნელოვანი ახალგაზრდულ საქმეთა და ტურიზმის პროგრამებისა და პროექტების განხორციელებისათვის.

ვ) თავისი კომპეტენციის ფარგლებში სწავლობს ქალაქ ფოთის მუნიციპალიტეტის ტურისტული ინდუსტრიის პოტენციალს და სპეციფიკას, იკვლევს ტურისტული ბაზების კონიუნქტურას, მარშრუტებს.

ზ) ხელს უწყობს ქალაქის მასშტაბით ტურისტული ინფრასტრუქტურის ქსელის შექმნასა და განვითარებას.

თ) ქმნის ქალაქის ტურისტული შესაძლებლობების საინფორმაციო ბანკს, მუდმივად ახდენს სრულყოფასა და განახლებას.

ი) ქალაქ ფოთის მუნიციპალიტეტის საკრებულოსა და მერისათვის ტურიზმის განვითარებასთან დაკავშირებით წინადადებების მომზადება.

კ) სახელმწიფო შესყიდვები განახორციელოს დამტკიცებული ასიგნების ფარგლებში, სახელმწიფო შესყიდვების შესახებ კანონმდებლობის შესაბამისად;

ლ) ყველა სხვა საქმიანობა, რაც არ არის აკრძალული არასამეწარმეო (არაკომერციული) იურიდიული პირებისათვის.

1.8. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

1.9. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია კანონმდებლობით დადგენილი წესით, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

მუხლი 2.

საზოგადოების დამფუძნებელი

2.1. საზოგადოებს დამფუძნებელი არის საჯარო სამართლის იურიდიული პირი - ქალაქ ფოთის მუნიციპალიტეტი (საიდენტიფიკაციო კოდი 215138143, თვითმმართველი ერთეულების რეესტრში რეგისტრაციის თარიღი 04.12.2006 წელი, მისამართი საქართველო, ქალაქ ფოთის მუნიციპალიტეტი, დავით აღმაშენებლის ქუჩა N12. ქალაქის ფოთის მუნიციპალიტეტის მერიის ხელმძღვანელია - ქალაქის ფოთის მუნიციპალიტეტის მერი ბექა ვაჭარაძე (მისამართი: ქალაქი ფოთი, წმინდა გიორგის ქ.N42).

მუხლი 3. საზოგადოების მართვა

საზოგადოების უმაღლეს მმართველობით ორგანოს წარმოადგენს დამფუძნებელი (ქალაქ ფოთის მუნიციპალიტეტის მერი, საკრებულო), რომელიც:

3.1. იღებს გადაწყვეტილებას საქართველოს კანონმდებლობით დადგენილი წესის შესაბამისად საზოგადოების ლიკვიდაციის, რეორგანიზაციის შესახებ;

3.2. ისმენს საზოგადოების დირექტორის ანგარიშს,

3.3. იღებს გადაწყვეტილებას უძრავი ქონების შეძენის, გასხვისების, სესხის აღების, თავდებობის შესახებ;

3.4. მე-3 მუხლის პირველი, მე-2, მე-3 პუნქტებში მითითებული უფლება- მოვალეობის გარდა სხვა უფლება-მოვალეობებს საქართველოს კანონმდებლობით დადგენილი წესით ახორციელებს დირექტორი.

მუხლი 4.

საზოგადოების ხელმძღვანელობა/წარმომადგენლობა

4.1. საზოგადოების ხელმძღვანელია - დირექტორი, რომელიც ინიშნება/თავისუფლდება ქალაქ ფოთის მუნიციპალიტეტის მერის ბრძანების საფუძველზე.

4.2. დირექტორი ახორციელებს ყველა უფლება-მოვალეობას და პასუხს აგებს ორგანიზაციის შემოქმედებითი და ადმინისტრაციულ-სამეურნეო საქმიანობაზე, სახელშეკრულებო, საფინანსო, შრომისა და საწარმოო დისციპლინის დაცვაზე.

4.3. დირექტორი ხელს აწერს წლიურ ანგარიშებს, ბალანსებს და სხვა დოკუმენტებს. ამტკიცებს სამუშაო გეგმას.

4.4. დირექტორი გაცემს რწმუნებებს და მინდობილობებს სხვადასხვა სახის ხელშეკრულებათა განსახორციელებლად.

4.5. დირექტორი ქალაქ ფოთის მუნიციპალიტეტის საკრებულოს მიერ დამტკიცებული ასიგნებისა და ზედა ზღვარის ფარგლებში ქალაქ ფოთის მუნიციპალიტეტის მერთან შეთანხმებით განსაზღვრავს საშტატო ნუსხას და თანამდებობრივ სარგოებს.

4.6. დირექტორი შრომის კანონმდებლობის შესაბამისად დებს შრომით ხელშეკრულებებს დასაქმებულთან, განსაზღვრავს მათ უფლებამოსილებას.

4.7. დირექტორი გამოსცემს ბრძანებებს თავისი კომპეტენციის ფარგლებში.

4.8. დირექტორი ადგენს სპეცშემოსავლების ხარჯთაღრიცხვას და წარუდგენს ქალაქ ფოთის მუნიციპალიტეტის მერს.

4.9. დირექტორი ვალდებულია ყოველ 3 თვეში წარუდგინოს ქალაქ ფოთის მუნიციპალიტეტის მერს, საკრებულოს ანგარიშები გაწეული მუშაობის შესახებ, ასევე სხვა მოთხოვნილი ინფორმაცია, რომელიც დაკავშირებულია დაწესებულების საქმიანობასთან.

4.10. საზოგადოების ზედამხედველობასა და საქმიანობის კოორდინაციას ახორციელებს ქალაქ ფოთის მუნიციპალიტეტის მერიის კულტურისა და სპორტის სამსახური.

4.11. საზოგადოების წარმომადგენლობაზე უფლებამოსილი პირია დირექტორი.

მუხლი 5.
დამფუძნებლის და წევრების უფლებები და მოვალეობები

დამფუძნებლის ქალაქ ფოთის მუნიციპალიტეტის (ქალაქ ფოთის მუნიციპალიტეტის მერის, საკრებულოს) უფლებები და მოვალეობები განისაზღვრება ამავე წესდებით და მოქმედი კანონმდებლობის შესაბამისად.

მუხლი 6.
საზოგადოების ლიკვიდაცია/რეორგანიზაცია

- 6.1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით.
- 6.2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის შესაბამისად.
- 6.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.
- 6.4. დამფუძნებლის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
- 6.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს არასამეწარმეო (არაკომერციული) იურიდიული პირის დამფუძნებელი არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:
 - ა) გასხვისება ხელს უწყობს მის მიერ დასახული მიზნების განხორციელებას.
 - ბ) ემსახურება საქველმოქმედო მიზნებს;
 - გ) ქონება გადაეცემა სხვა არასამეწარმეო (არაკომერციულ) იურიდიულ პირს.
- 6.6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებელს, ხელმძღვანელობასა და წარმომადგენლობითი უფლებამოსილების მქონე პირებს შორის.
- 6.7. თუ არასამეწარმეო (არაკომერციული) იურიდიული პირის დამფუძნებელი არ განსაზღვრავს ლიკვიდაციის შედეგად დარჩენილი ქონების მიღებაზე უფლებამოსილ პირს, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების მუნიციპალიტეტისთვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.
- 6.8. ლიკვიდაციას ახორციელებს ხელმძღვანელობის უფლებამოსილების მქონე პირი ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.
- 6.9. ლიკვიდაციაზე და რეორგანიზაციაზე გადაწყვეტილებას ღებულობს დამფუძნებელი, ხოლო შესაბამის ღონისძიებებს ახორციელებს დირექტორი.

მუხლი 7.
დასკვნითი დებულებები

- 7.1. წინამდებარე წესდება ძალაში შედის დამფუძნებლის უფლებამოსილი პირის (ქალაქ ფოთის მუნიპალიტეტის მერი) მიერ ხელმოწერის მომენტიდან.
- 7.2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
- 7.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.